



欽定協紀辨方書卷四

義例二

建除十二神

建除同位異名

建 禱 小時 禱

除 吉期 兵寶

滿 禳 天巫 天狗

平 陽月天罡 陰月河魁 死神

定 時陰 官符 死氣

執 枝穗 小耗

破 大耗

危

成 天醫 天喜

收 陽月河魁 陰月天罡

開 時陽 生氣

閉 血支



建除十二神所合叢辰

月建

欽定協紀辨方書

卷四

義例二目錄



月厭 地火

厭對 六儀 招搖

陰陽不將

陰陽大會

陰陽小會

行狼 了戾 孤辰

單陰 純陰 孤陽 純陽

歲薄 逐陣

陰陽交破 陰陽擊衝

欽定協紀辨方書

卷四

義例二百錄


陽破陰衝 陰道衝陽

陰位 三陰

陽錯 陰錯 陰陽俱錯

絕陰 絕陽

建除十二神



欽定協紀辨方書

卷四 義例二建除十二神

三

歷書曰歷家以建除滿平定執破危成收開閉凡十二日周而復始觀所值以定吉凶每月交節則疊兩值日其法從月建上起建與斗杓所指相應如正月建寅則寅日起建順行十二辰是也○淮南子曰正月建寅則寅為建卯為除辰為滿巳為平主生午為定未為執主陷申為破主衡酉為危主杓戌為成主小德亥為收主大德子為開主太陽丑為閉主太陰○選擇宗鏡曰建為歲君為元神為吉凶眾神之主帥可坐不可向其在山在方疊吉星則大吉疊凶星

則凶除爲四利太陽小吉滿爲土瘟爲四利喪門又爲天富小吉平爲三台又爲土曲大吉定爲歲三合爲顯星吉又爲地官符畜官次凶執爲四利之死符又爲小耗凶破爲歲破爲大耗大凶危爲極富星爲谷將星爲四利龍德吉成爲三合吉又爲飛廉又爲四利白虎小凶收爲四利福德小吉又爲八座小凶開爲青龍太陰爲生氣華蓋上吉又爲四利弔客小凶閉爲病符凶平成開危最吉定除次吉破大凶○考原曰按月建十二神除危定執成開爲吉建破平

欽定協紀辨方書

卷四

義例二建除十二神

四

收滿閉爲凶歷書所謂建滿平收黑除危定執黃成開皆可用閉破不相當者也選擇宗鏡以四利三元諸神相配吉凶亦未盡合如以建爲太歲除爲太陽滿爲喪門破爲歲破危爲龍德此相合者也至以平爲太陰定爲官符執爲死符成爲白虎收爲福德開爲弔客此不相合者也大抵凡日吉神多則吉凶神多則凶又各視其神之宜忌以爲趨避亦未可以執一而論也


按建者一月之主故從建起義而參伍於十二辰古

之所謂建除家言也建次爲除除舊布新月之相氣也一生二二生三三者數之極故曰滿滿則必溢矣易曰坎不盈祇既平概滿則平繼滿故必以平也平則定建前四位則三合合亦定也定則可執矣故繼之以執執者守其成也物無成而不毀故繼之以破對七爲衝衝則破也救破以危在易己日乃革之己十干之第六破十二辰之第七其義同也是故救破以危既破而心知危孟子曰危故達夫心能危者事乃成矣不必待其成而後知爲達也淮南子云前三

後五百事可舉平前三也危後五也繼危者成何以成建三合備也既成必收自建至此而十十極數也數無終極之理開之開之云者十卽一也一生二二生三由此一而三之則復爲建矣建固生於開者也故開爲生氣也氣始萌芽不閉則所謂發天地之房而物不能以生故受之以閉終焉唯其能閉故復能建與易同也又按自建至閉十二神其辰皆由建改而遞更古今論說紛紜吉凶不一夫止以建除論吉凶未甚彰顯著明也此建則彼除十二辰自然輪轉

耳迨夫叅以萬事錯以二氣五行然後吉凶生焉特其吉凶之大小劑量則生於建除雲駛月運舟行岸移明者默契其微神而明之可也今具列各條之下陰陽之變化無窮夫亦舉一隅云耳又按建除之說見於古者自淮南子外又有太公六韜云開牙門當背建向破越絕云黃帝之元執辰破巳伯王之氣見於地戶王莽傳云以戊辰直定御王冠卽真天子位師古曰於建除之次其日當定也知所由來久矣蓋其說與諸家同起戰國時而並託之黃帝云

建除同位異名



古有建除家叢辰家時師已莫識其統系總名選擇而咸統於天官今按建除之義以年統時以時統月以月統日雖原本於五行而以建爲重若夫叢辰云者猶言衆辰吉凶各以義起者也如兵福小時之卽建吉期兵寶之卽除之類或建除家之異名見義或叢辰家之殊途同歸已莫可考但散而無紀殺而無序此云吉而彼云凶方稱宜而旋稱忌莫之適從今爲類聚之而悉統於建除取其必須異名而後義見者或此吉彼凶不妨一辰兩義者著於篇

欽定協紀辨方書

卷四

義例一建除同位異名


七

建

兵福

小時

土府



歷例曰兵福者與月建同行○太白經曰五帝所在不可出軍向之必敗春東方夏南方秋西方冬北方又云春不東行是謂伐生百事不成夏不南行是謂伐強兵卒多殃秋不西行是謂伐熟兵將不復冬不北行是謂伐藏士卒多傷故月建所在爲王相之方我用而我利也

淮南子曰小時者月建也○神樞經曰小時者郎將之象也其日忌結姻親開倉庫○總要歷曰四時之氣隨斗杓所指而建立雖非四時之大時亦一月之

欽定協紀辨方書

卷四

義例二建

八

小時也○選擇宗鏡曰建破平收俗之所忌惟破日最凶建日吉多可用平日甚吉收日吉多無妨○曹震圭曰小時者是當時之旺辰也忌結姻親者因陽氣獨持旺氣也忌開倉庫者是旺氣發而不收也○邵泰衢曰建爲土府者猶言中府也月建當月令而爲主於中府也

按歷書建日不利行師而於兵福則又曰利行師兵福卽建也而矛盾如是蓋月建所在我用則我利用之則爲兵福矣若敵在建方則不利行師以伐之以

彼據王氣故也然禮記孟春月令云兵戎不起不可
 從我始然則建雖兵福要須視此建為何月之建如
 孟春建寅則亦不利行師也月建大義詳後厭建篇
 此專以明建之同位異名者又按建日忌結姻親者
 男為日女為月夫建者月也女壯之象故忌之若夫
 忌開倉庫猶夫甲不開倉之意建為十二辰之首亦
 有朔旦之象焉惡其月建初轉之月即有所費民俗
 所忌耳至今元旦俗忌用財謂一歲不能積蓄皆此
 類也

欽定協紀辨方書

卷四


義例一建

九

除

吉期

兵寶



總要歷曰吉期者吉慶之神也所值之日宜出軍行
 師攻城寨與弔伐會親姻○歷例曰常居月建前一
 辰也○曹震圭曰吉期者是月建腹心同契之侍臣
 也蓋常居建前一辰可與要約吉事故因名之

歷例曰兵寶者月建前一辰也


按兵寶之義與兵福同說已見前假如寅爲兵福則
 卯爲兵寶皆四時當王之氣云耳

滿

福德

天巫

天狗



總要歷曰福德者月中福德之神也其日宜祀神祇求福願修宮室獻封章○歷例曰福德常居月建前二辰○曹震圭曰建前二辰者是月所生之子以其當相氣在前爲引與我能爲福爲德之神也故易卦以子孫爻爲福德其義一也大抵子能制乎鬼使不害已故爲福德假令正月寅以火生辰土爲子其土能制水鬼也二月卯木生巳火爲子火能制金鬼也三月辰之衰木能生午火爲子去制金鬼也餘倣此○考原曰十二地支各有所藏若以前二辰爲月建所生者亦無不合則生氣之在月建前二辰亦當取此義

總要歷曰天巫者月中善神也所值之日宜合藥請醫祀鬼神求福願○歷例曰常居月建前二辰○曹震圭曰天巫者月中善神能克除鬼煞也義與福德同

樞要歷曰天狗者月中凶神也其日忌禱祀鬼神祈求福願○歷例曰天狗者常居月建前二辰○曹震圭曰天狗者月中禦衛之犬也祛除私邪之神無使

敢侵故居建前二辰是禦於門首也自子建之月起於寅寅者艮之陽辰也易曰艮爲犬是也祈福願祠鬼神皆爲正道故並忌之

按滿爲福德總要歷謂其日宜祭神祇祈福願又謂之天巫亦謂宜祀鬼神求福願夫天巫云者巫能通幽明以見日吉辰良其誠意可達於鬼神故比之天巫云耳豈真是日有神號天巫者下行世間哉顧同一滿日也忽又謂之天狗同一樞要歷也又云忌禱祀鬼神祈求福願誠不可解矣詳考其義蓋天狗者

戌日值滿也天官家謂太白餘氣散爲天狗滿旣是戌建必在申滿之爲滿也以三爲數之極也天之刑神當令之時而又居盛滿之極則其與他滿日不可同例論明矣故又謂之天狗而謂不宜禱祀非謂凡爲滿日皆天狗也夫滿日所以爲福德而宜祭祀者以月建爲本日之生氣有鬼神降福之象也若滿在戌日則從申至酉悉屬金行其爲神也乃蓐收司刑之神而非降福之神矣故忌之也乃曹震圭以天狗爲祛除私邪之神夫天狗本妖星如彗孛之類從未


有被以嘉稱者其說不類又謂建前二辰爲禦於門首之象犬之守宅亦不必其在門也又以寅爲良艮爲犬而謂建子則滿寅有犬之象焉未識建丑滿卯則又何說也又謂祈福願祀鬼神皆爲正道故並忌之然則爲邪道則不須忌也無論陰陽之道本不爲小人謀且前旣以天狗爲祛除私邪之神矣此又謂忌用正道條命之爲正條命之爲邪何其無特見也又按天狗爲申建之戌止一位故不入圖

平

陽月天罡

陰月河魁

死神



桑道茂曰天罡河魁者月內凶神也所值之日百事宜避○歷例曰陽建之月前三辰爲天罡後三辰爲河魁陰建之月反是○曹震圭曰魁罡者乃月建四煞之辰平收之日也○洞源經曰對七爲衝隔三爲破選擇家所謂辰破丑而丑衝未亥破寅而寅衝申午破卯而卯衝酉酉破子而子衝午申破巳而巳衝亥戌破未而未衝丑是也

神樞經曰死神者月中凶神也其日忌請醫服藥出師征討種植樹木進人納畜○李鼎祚曰常居月建前三辰○曹震圭曰死神者以月建爲旺辰前逢死位也大抵死氣之前必有死神其義同前

按天罡者辰也河魁者戌也平收二日輪轉十二支何與辰戌事而亦命爲天罡河魁耶洞源經曰對七爲衝隔三爲破說者曰辰破丑而丑衝未亥破寅而寅衝申謂辰至丑上則破其所居之丑而丑又衝我對宮之未也然辰何以破丑耶其義未詳也今按辰戌之所以爲魁罡者以其爲二氣之樞紐也陽從辰而左至於戌而成剝蔑之象陰從戌而右至於辰而

成夫決之象陰陽消息之大會也是故歲從辰始而
至巳辰陽善之通也厭從戌始而至亥戌陰慝之作
也二者必不能比而和且辰戌互相衝擊故畏忌之
今建除家以平收爲魁罡者乃比擬於魁罡以見宜
畏忌之意非真以此爲魁罡也由是言之則洞源經
所謂隔三爲破者破卽是罡罡破軍也本從此魁罡
借義以及於破而後人釋之遂謂辰破丑亥破寅失
其旨矣亥與寅合安得有破義也凡數三而極建前
三而建後三則前後之數皆極矣而此二位必自相

衝擊假如建在子前三爲平爲卯後三爲收爲酉卯
酉衝也建在丑前三爲平爲辰後三爲收爲戌辰戌
衝也推之十二辰莫不皆然有龍戰之象焉故亦以
魁罡名之也其陰月陽月兩相易位者以此見其非
真魁罡也若魁罡則有定位矣夫以一歲而論陽生
於冬至三於寅五於辰陰生於夏至三於申五於戌
三者春秋之首陰陽各半也五者歲厭之首陰陽之
紐也故曰魁罡取義於斗之第一第七星以其爲運
斗之樞也國語曰王者必合三五以一建而論陽生

於開半於建終於平故平爲死神而開爲生氣爲時陽也半於建者陽長至三而乃可建與寅爲歲首同也陰生於定半於破終於收故定爲時陰爲死氣一建之內亦有十二月之象故亦曰魁罡取諸歲神之魁罡以見意也平之爲死神也平在定前定爲死氣則其神已降於平矣氣在萌芽之前而神又在氣之前也由此推之開爲生氣收必爲生神而歷不言者或係闕文或以其微而不足於吉故不言均未可定然神煞起例以收爲月命座則亦生神之意云

欽定協紀辨方書 卷四 義例二平


去

定

時陰

官符

死氣



總要歷日時陰者月中陰神也所值之日宜運謀算
畫計策睦子孫會親友○歷例曰常居月建前四辰
○曹震圭曰時陰者月內陰氣之神母婦之象故陰
神主事機密不測故其日宜運謀算畫計策會親友
睦子孫起例常以月建加功曹子上所得之辰爲時
陽午上所得之辰爲時陰謂子者一陽初生也故時
陽取焉午者一陰初生也故時陰取焉寅者艮方成
終成始之位三陽交泰之所故以加之太乙家常以
計神加和德其義一也

欽定協紀辨方書

卷四 義例一定

七

總要歷曰官符者其日忌拜官視事上表章陳詞訟
○歷例曰官符者正月起午順行十二辰○曹震圭
曰官符者是歲月中掌符信之官文職也常居三合
前辰大抵歲辰月建以其三合前辰爲文官後辰爲
武職是左文右武之義假令正月建寅則午上有官
符文官也戌上有白虎武職也併見第二卷

神樞經曰死氣者無氣之辰也其日忌戰鬪征伐療
病求醫安置產室經營栽植○李鼎祚曰死氣者常
居月建前四辰○曹震圭曰死氣者以月建爲臨官


前臨死位也假令二月建卯爲臨官帝旺在辰衰在巳病在午死在未也或云生氣之衝辰也謂此愛其生彼愛其死我旺而彼死也故常與生氣相對

按時陰死氣之義具見前條而曹震圭月建加功曹之說亦甚有理至官符之義已見歲官符條下四利三元成爲白虎定爲官符皆同歲神取義官符爲文白虎爲武今歷家不用白虎而惟用官符於義例不合蓋四利三元原從太歲起例官符白虎皆歲神方位以其弔照太歲故避之若其在日則定成爲月建也

執

枝德

小耗



經曰枝德者地支帶德也所值之日宜修造築垣○

歷例曰枝德者正月在未順行十二辰

樞要歷曰亦月內之耗神也其日忌經營種蒔納財

交易開市○歷例曰小耗者常居月建前五辰○曹

震圭曰小耗者小損也乃月建氣絕之辰大耗之從

神也

按枝德乃歲神吉方詳歲枝德條下蓋陽年歲幹卽

歲德陰年歲幹卽歲德合自太歲順數至前五辰其

幹必與歲幹合陽年則爲歲德合陰年則爲歲德方

爲枝而幹爲德故曰地枝帶德也若其在月則一丙寅月也而未日有五其辛未日爲月幹合矣乙丁己癸四未日初與丙寅無涉也何以概謂之枝德耶卽以辛未日而論辛爲月幹五合六辛皆然與枝無取非若歲枝前五辰之獨與歲幹合也且月幹非月德卽與之合亦第幹合云爾非若歲幹合之必爲德也是則枝德之名曰枝曰德皆無取義可見古人原由歲枝起例後世誤用之於月而於歲反遺之也今添入歲神月枝德應刪去月小耗義詳歲小耗條下舊歲破爲歲小耗則舊月破爲月小耗又爲本月閉日之衝應閉而衝之是小耗也

破

大耗



欽定協紀辨方書


卷四

義例一破

三

考原曰月破者月建所衝之日也與歲破義同

樞要歷曰大耗者月中虛耗之神也其日忌營庫藏
出財物遠經求取債負○歷例曰大耗者正月起申
順行十二辰○曹震圭曰大耗者月建擊衝破散之
辰也與月破同位



欽定協紀辨方書

卷四


義例二危

按選擇宗鏡曰危為極富星為谷將星為四利之龍
 德吉顧其所以為極富為谷將則無其義神煞起例
 又名之為地輅皆今歷家所不用龍德別詳四利三
 元條下

成

天醫

天喜



欽定協紀辨方書

卷四 義例 成

三

總要歷曰天醫者天之巫醫其日宜請藥避病尋巫
 禱祀○歷例曰天醫者正月起戌順行十二辰○曹
 震圭曰天醫者三合後辰能使萬物死而復生損而
 復益如正月建寅三合為寅午戌而戌為寅之後辰
 是也餘倣此

選擇宗鏡曰天喜者正月戌二月亥三月子四月丑
 順輪十二月乃日支與月建三合故曰天喜○通書
 曰春戌夏丑秋辰冬未今人不原其理嘗於卦書中
 得其要領大抵取日辰與月建相合為天喜也與成

日同位

按月建後二辰生氣也又後二辰卽生氣之生氣也故曰天醫又成日也萬物莫不喜其有成故曰天喜歷書以春戌夏丑秋辰冬未爲天喜日而曹震圭謂母喜見子然亦有成就之義如春之令屬木木生火火墓在戌至於戌則火之道成矣故春以戌爲天喜夏之令屬火土火土生金金墓在丑至於丑則金之道成矣故夏以丑爲天喜秋辰冬未可以類推今通書與宗鏡皆以成日爲天喜惟寅申巳亥四孟月與戌丑辰未相合或古有兩說或一爲後起俱未可知然成日之理爲長且通書總論旣取成日而立成又用戌丑辰未日不宜自相矛盾故改從畫一而並存其說以備叅考

收

陽月河魁

陰月天罡



欽定協紀辨方書

卷四


義例一收

五

按陽月魁陰月罡之義已見平日條下

開

時陽
生氣



總要歷日時陽者月中陽神也所值之日宜敘婚姻
 行宴樂○歷例曰常居月建後二辰○曹震圭曰時
 陽者月內掌陽氣之神父夫之象故陽之主事威儀
 正直有禮義儀容故其日宜敘婚姻行宴樂

五行論曰生氣者極福之神也其日宜修築城壘開
 道溝渠起土修營養育羣畜種蒔如出軍戰陣則宜
 背之○歷例曰生氣者常居月建後二辰○曹震圭
 曰生氣者萬物所生之辰也生育萬物者土也土之
 所居者四季也四季者乃四時五行所衰之辰也自

衰然後可生彼故以四時前季辰爲生物之位假令冬水生春木水衰於丑生木於前木之長生在亥也木衰於辰生火於前火之長生在寅也火衰於未生金於前金生於巳也金衰於戌生水於前水生於申也皆各居其後二辰此其義也○考原日月建乃當王之氣不可以衰言也且生氣亦不端在四維之位亦不可端以五行之長生言也大抵月建者當正王之位而前二辰已有生氣是未旺而將旺者也如正月爲三陽之月而子則一陽已生是爲生氣也可與

王日官日叅看益明

按孫奭孟子疏曰木旺亥子丑寅卯火旺寅卯辰巳午金旺巳午未申酉水旺申酉戌亥子土與水同其言旺也始於長生之位而終於正旺之鄉此卽生氣居建後二辰之義也陰符經曰天地之道浸故陰陽勝陰陽相推而變化順矣建爲月中天子其後二辰爲極福之神陰陽以漸浸而勝也必以二位者從生氣至建而成三蓋一生二二生三而天地之道備也歲後二辰爲太陰建後二辰爲生氣太陰爲后妃之

象天下之母也生氣之義亦母道也於建除爲開日
無一之不吉也曹震圭強以衰論者豈疑其與太陰
同位歟不知太陰固吉神也特不宜侵犯耳


欽定協紀辨方書

卷四

義例二開

閉

血支



天

樞要經曰血支其日忌針刺出血○曹震圭曰血支者氣血之支流也故起於旺建之後生氣之前如人生之後自有血脉暢於四肢若其日針刺者是去其血也故忌之


按月令仲冬以後忌作土事謂地氣阻洩是謂發天地之房閉之為血忌而不宜針刺者亦此意人身與天地之氣相應不宜於應閉之日而發洩之建之為建也生於開而養於閉以成其建閉在十二辰猶小冬也閉日針刺猶冬日發房也

欽定協紀辨方書

卷四


義例二開

十二建所合叢辰



无

十二除所合叢辰




欽定協紀辨方書


卷四

義例二建除所合叢辰

十二滿所合叢辰



十二平所合叢辰




欽定協紀辨方書


卷四

義例一 十二平所合叢辰

十二定所合叢辰




十二執所合叢辰




欽定協紀辨方書 卷四 義例 定執所合叢辰

十二破所合叢辰



三

十二危所合叢辰




欽定協紀辨方書

卷四


義例二破危所合叢辰

十二成所合叢辰




三

十二收所合叢辰



欽定協紀辨方書 卷四 義例二 成收所合叢辰

十二開所合叢辰



十二閉所合叢辰



欽定協紀辨方書


卷四

義例二開閉所合叢辰

三

凡月神之以十二辰起例者雖莫考其為建除家言
 叢辰家言今一以建除統之如寅為建則凡神煞之
 在正月為寅者皆與建同也卯為建則凡神煞之在
 二月為卯者皆與建同也如寅為除則凡神煞之在
 十二月為寅者皆與除同也卯為除則凡神煞之在
 正月為卯者皆與除同也餘可類推既使一日之內
 吉凶神煞如指諸掌又可參詳其吉凶之大小深淺
 有制無制可化不可化以為從違也

月建



欽定協紀辨方書

卷四

義例二月建

三

天寶歷日月建者陽建之神也所理之方戰鬪攻伐
 宜背之不可抵向所值之日宜封建視事不宜興造
 土功結親禮○歷例曰正月建寅順行十二辰○曹
 震圭曰月建所理之地戰鬪攻伐不宜向而宜背者
 蓋使我乘旺氣而攻彼休囚也所值之日宜封建視
 事者建者健也是月內羣神之長萬神無不咸服也
 不可興造土功者蓋彼當旺勢不可犯也其不可結
 親禮者是陽建獨旺陰建氣消之辰親禮之道宜陰
 陽相和若偏則不宜也

按淮南子云斗柄爲小歲正月建寅月從左行十二辰小歲東南則生西北則殺不可近也而可背也不可左也而可右也賈公彥疏周禮占夢曰建謂斗柄所建謂之陽建故左旋於天史記天官書曰斗爲帝車運於中央臨制四方然則月建者諸神之主帥也俗謂之月中天子從建而之焉則有除滿以下十一神並建而十二觀所值以定吉凶古所爲建除家者也建之所在日躔其所合之辰則太陽月將也太陽前一位則爲月厭月厭謂之陰建右旋於天厭建相值相離則周禮所稱辨天地之會者也其說各詳本條下

欽定協紀辨方書


卷四

義例二月建

三

月曆

地火



欽定協紀辨方書

卷四

義例二月曆

三

堪輿經曰天老曰正月陽建於寅陰建在戌○春秋繁露曰天道大數相反之物也不得俱出陰陽是也春出陽而入陰秋出陰而入陽夏右陽而左陰冬右陰而左陽陰出則陽入陽入則陰出陰右則陽左陰左則陽右是故春俱南秋俱北而不同道夏交於前冬交於後而不同理並行而不相亂澆滑而各持分此之謂天之意而何以從事天之道初薄大冬陰陽各從一方來而移於後陰由東方來西陽由西方來東至於中冬之月相遇北方合而爲一謂之曰至別

而相去陰適右陽適左適左者其道順適右者其道
逆逆氣左上順氣右下故下煖而上寒以此見天之
冬右陰而左陽也上所右而下所左也冬月盡而陰
陽俱南還陽南還出於寅陰南還入於戌此陰陽所
始出地入地之見處也至於中春之月陽在正東陰
在正西謂之春分春分者陰陽相半也故晝夜均而
寒暑平陰日損而隨陽陽日益而鴻故爲燒熱初得
大夏之月相遇南方合而爲一謂之曰至別而相去
陽適右陰適左適右由下適左由上上暑而下寒以

此見天之夏右陽而左陰也上其所右下其所左夏
月盡而陰陽俱北還陽北還而入於申陰北還而入
於辰此陰陽之所始出地入地之見處也至於中秋
之月陽在正西陰在正東謂之秋分秋分陰陽相半
也故晝夜均而寒暑平陽日損而隨陰陰日益而鴻
故至於季秋而始霜至於孟冬而始大寒下雪而物
咸成大寒而物畢藏天地之功終矣○淮南子曰北
斗之神有雌雄十一月始建於子月徙一辰雄左行
雌右行五月合午謀刑十一月合子謀德陰建所居

辰爲厭日厭日不可以舉百事堪輿徐行雄以意知
雌故爲奇辰數從甲子始子母相求所合之處爲會
十日十二辰周六十日凡八會會於歲前則死亡會
於歲後則無殃○天寶歷日月厭者陰建之辰也所
理之方可以禳災祈福避病所值之日忌遠行歸家
移徙婚嫁○歷例日月厭者正月在戌逆行十二辰
○曹震圭日月厭者厭魅之神也其性暗昧私邪不
正故各忌之蓋十一月建子陰陽氣爭冬至前陰氣
極冬至後陽氣生故自建子之月陽建順歷丑寅卯

一十二辰陰建逆歷亥戌酉一十二辰至五月夏至
二氣又同建而相爭也亦名曰陰建

按月建者斗柄所建也象見於天仰而望之而莫不
見者也月厭者二氣消息之原運於太无而出萬有
者也推建可以知厭故淮南云堪輿徐行雄以意知
雌也曰堪輿者蓋此堪輿家言也其曰厭者以其每
處日躔之前故謂之厭厭古壓字也月建左行月厭
右行六十甲子相交相錯而吉凶生焉周禮所爲觀
天地之會者鄭康成以厭建當之可以知古之日者

必宗乎此也若其所以然則董仲舒春秋繁露言之
詳且明矣淮南子云會於歲前則死亡會於歲後則
無殃然則八會之日非吉日也建陽而厭陰建吉而
厭凶其同位之日陰陽叅雜斷可識矣夫和會者陰
從乎陽之謂太陽爲陽月建爲陰如寅月之亥卯月
之戌則當以陰陽和會論若從月建而復生陰建則
所爲陰中之陰其所會之干支安得以吉論乎又叅
以太歲而消息之如歲在甲寅正月甲戌大會則歲
前也尤凶若八月辛卯大會則在歲後矣可無殃也

漢時已有堪輿八會見於經史今歷家大會八卽其
傳也又有小會八又有行狼了戾孤陰單陽等名考
原詳之今並載於後要之皆爲不吉之日而曹震圭
以大小會爲陰陽和會則顯與淮南子不符不可從
也若夫天子用大小會日謂之歲位皇后太子諸侯
用歲前卿大夫用歲對士庶人用歲後其所爲歲前
歲後亦與淮南子不同而以歲前爲可用益悖於古
均無取焉

神樞經曰地火者月中凶神也其日忌修築園圃栽
 植種蒔○歷例曰地火者正月起戌逆行十二辰
 按厯建堪輿家言也地火叢辰家言也然地火卽是
 月厯故載於此


欽定協紀辨方書

卷四 義例二月厭

厭對

六儀

招搖



天寶歷曰厯對者月厯所衝之辰也其日忌嫁娶又爲招搖忌乘船渡水○歷例曰厯對者正月起辰逆行十二辰

神樞經曰六儀者月中吉神也所值之日宜牧養生財栽植樹木結親納禮視事臨官○歷例曰正月起辰逆行十二辰○曹震圭曰六儀者月中正禮儀之神也月厯主暗昧六儀與之敵衝以威厲之使不敢妄失儀容也故以名之

按厯對正月起辰逆行十二辰六儀亦正月起辰逆

欽定協紀辨方書


卷四

義例二厯對

聖

行十二辰然則厯對之卽爲六儀也明甚乃選擇之書於厯對則曰忌嫁娶於六儀則曰宜結親納禮適相反也蓋堪輿家言其大指總以建爲陽厯爲陰必干支與厯全不相涉者始爲吉日故厯對雖衝破月厯亦不以爲吉也而叢辰家則以其能衝破月厯而名之曰六儀謂月厯主曖昧陰私則月厯之反必威儀正直之神也是以兩相矛盾而並見于歷書莫之適從也今定爲厯對忌嫁娶六儀宜視事臨官庶於義各當云招搖見後

陰陽不將



欽定協紀辨方書

卷四

義例二 陰陽不將

四

天寶歷曰陰陽不將者以月建為陽謂之陽建正月起寅順行十二辰月厭為陰謂之陰建正月起戌逆行十二辰分於卯酉會於子午厭前枝幹自相配者為陽將厭後枝幹自相配者為陰將厭後枝者為陰陽不將也陽將傷夫陰將傷婦陰陽俱將夫婦俱傷陰陽不將夫婦榮昌戊己之幹位在中央戊為陽土寄於艮己為陰土寄於坤經曰春冬己不將秋夏戊不將○歷例曰陰陽不將者正月辛亥辛丑辛卯庚子庚寅

己亥己丑己卯丁亥丁丑丁卯丙子丙寅二月庚戌
庚子庚寅己亥己丑丁亥丁丑丙戌丙子丙寅乙亥
乙丑三月己酉己亥己丑丁酉丁亥丁丑丙戌丙子
乙酉乙亥乙丑甲戌甲子四月丁酉丁亥丙申丙戌
丙子乙酉乙亥甲申甲戌甲子戊申戊戌戊子五月
丙申丙戌乙未乙酉乙亥甲申甲戌戊申戊戌癸未
癸酉癸亥六月乙未乙酉甲午甲申甲戌戊午戊申
戊戌癸未癸酉壬午壬申壬戌七月乙巳乙未乙酉
甲午甲申戊午戊申癸巳癸未癸酉壬午壬申八月

欽定協紀辨方書

卷四

義例 陰陽不將

壘

甲辰甲午甲申戊辰戊午戊申癸巳癸未壬辰壬午
壬申辛巳辛未九月戊辰戊午癸卯癸巳癸未壬辰
壬午辛卯辛巳辛未庚辰庚午十月癸卯癸巳壬寅
壬辰壬午辛卯辛巳庚寅庚辰庚午己卯己巳十一
月壬寅壬辰辛丑辛卯辛巳庚寅庚辰己丑己卯己
巳丁丑丁卯丁巳十二月辛丑辛卯庚子庚寅庚辰
己丑己卯丁丑丁卯丙子丙寅丙辰○考原曰厭前
枝幹自相配者爲陽將純陽無陰也厭後枝幹自相
配者爲陰將純陰無陽也厭後幹配厭前枝者爲陰

陽俱將陰非其陰陽非其陽其道相乖也蓋幹爲陽當居於前枝爲陰當從其後是夫唱婦隨之理故厯前幹配厯後枝爲陰陽不將也

按陰陽不將者乃堪輿家之吉日凡事可用非僅施之嫁娶也惟六月戊午爲逐陣不可用今世所傳祇曰嫁娶吉而又不明歲前歲後之義且于天子皇后卿士庶民用日妄說亦覺其支離而難通遂將大會等日一併廢棄而不用不知此法最古其於陰陽之義亦最微妙縝密良不可忽也具詳於後

陰陽大會

堪輿經曰正月大會甲戌二月大會乙酉五月大會丙午六月大會丁巳七月大會庚辰八月大會辛卯十一月大會壬子十二月大會癸亥如正月陽建在寅陰建在戌陽主干陰主支也陽建在寅近於甲陽甲陰戌支干相和會故甲戌爲正月大會也二月陽建於卯陰建於酉卯近於乙陽乙陰酉故乙酉爲二月大會也五月陰陽二建俱會於午午近於丙以丙配午故丙午爲五月大會也六月陽建於未陰建於

巳未近於丁以丁配巳故丁巳爲六月大會也七月陽建於申陰建於辰陽建近庚以庚配辰故庚辰爲七月大會也八月陽建於酉陰建於卯酉近於辛以辛配卯故辛卯爲八月大會也十一月陰陽二建俱會於子子近於壬以壬配子故壬子爲十一月大會也十二月陽建於丑陰建於亥丑近於癸以癸配亥故癸亥爲十二月大會也

陰陽大會立成

月會大會

大會所領日

春 夏 秋 冬

欽定協紀辨方書

卷四

義例二陰陽大會

皇

正月甲戌

癸亥甲子乙丑丙寅丁卯戊辰巳巳庚午辛未壬申癸酉

歲位歲後歲對歲前

七月庚辰

甲戌乙亥丙子丁丑戊寅己卯庚辰辛巳壬午癸未甲申

歲對歲前歲位歲後

二月乙酉

庚辰辛巳壬午癸未甲申乙酉丙戌丁亥戊子己丑庚寅

歲位歲後歲對歲前

八月辛卯

乙酉丙戌丁亥戊子己丑庚寅辛卯壬辰癸巳

歲對歲前歲位歲後

五月丙午

辛卯壬辰癸巳甲午乙未丙申丁酉戊戌己亥庚子辛丑壬寅癸卯甲辰乙巳

歲前歲位歲後歲對

十一月壬子

丙午丁未戊申己酉庚戌辛亥壬子癸丑甲寅乙卯丙辰

歲後歲對歲前歲位

六月丁巳

壬子癸丑甲寅乙卯丙辰丁巳戊午己未庚申辛酉壬戌癸亥

歲前歲位歲後歲對

十二月癸亥

丁巳戊午己未庚申辛酉壬戌癸亥

歲後歲對歲前歲位

右大會望後用之其所領日從本會日起逆數至上

會止卽得所領日數也

陰陽小會

堪輿經曰小會二月己酉三月戊辰四月己巳五月戊午八月己卯九月戊戌十月己亥十一月戊子皆以中宮戊己配厭建爲之如二月陽建於卯陰建於酉陰陽相衝以乙配酉以辛配卯大會皆有之故以己配陰建之酉爲陰陽小會也三月陽建於辰陰建於申以庚配辰大會有之以乙配申陰陽非耦故以戊配辰爲三月小會也四月純陽用事陰勢盡消

欽定協紀辨方書

卷四

義例二陰陽小會

四六

故無大會而以己巳爲四月小會也五月陽建陰建俱會於午故以戊配所建之辰則戊午爲五月小會也八月秋分建厭分位亦以己配陰陽建厭之辰故八月以己卯爲小會也九月剝卦直月陽消將盡故無大會而以戊戌爲小會也十月陽勢消盡純陰用事故無大會則以己亥爲十月小會也十一月陰陽二建俱會於子亦以戊配所建之子故十一月戊子爲小會也

陰陽小會立成

月會小會

小會所領日

春 夏 秋 冬

二月己酉

丙午丁未
戊申

歲位歲後歲對歲前

三月戊辰

癸亥甲子乙丑
丙寅丁卯
戊辰

歲位歲後歲對歲前

四月己巳

戊辰

歲前歲位歲後歲對

五月戊午

丁巳

歲前歲位歲後歲對

八月己卯

甲戌乙亥丙子
丁丑戊寅

歲對歲前歲位歲後

九月戊戌

辛卯壬辰癸巳甲午
乙未丙申丁酉
戊戌

歲對歲前歲位歲後

十月己亥

戊戌

歲後歲對歲前歲位

十一月戊子

乙酉丙戌
丁亥

歲後歲對歲前歲位

欽定協紀辨方書

卷四

義例二陰陽小會

四

右小會望前用之其所領日亦從本會日逆數至他
 大小會止○曹震圭曰大會者是月內陰陽正會之
 辰也小會者是陰陽偶會之辰也故為上吉之日比
 和之辰○考原曰大會者陽會於陰也小會者陰會
 於陽也其月無大會者以其干支不能相配如三月
 辰中之乙不能配陰建之申四月巳中之丙不能配
 陰建之未是也小會為陰會陽故其日皆用陽建惟
 二月八月陰陽二建對衝故相易也其月無小會者
 以其日大會已有之或他月小會已有之觀其所領

日逆至他月大小會日則止可見矣

行狼 了辰 孤辰

堪輿經曰三月陽建於辰陰建於申陽前不及於丙
隔於巳也後過於甲隔於卯也故以甲配申則不從
以丙配申則不及以戊庚壬配申則不合故甲申爲
行狼丙申爲了辰戊申庚申壬申爲孤辰也四月陽
建於巳陰建於未陽前不及於丁隔於午也後過於
乙隔於辰也故以乙配未則不從以丁配未則不及
以己辛癸配未則不合故乙未爲行狼丁未爲了辰

欽定協紀辨方書

卷四

義例二行狼了辰孤辰

五

己未辛未癸未爲孤辰也九月陽建於戌陰建於寅
陽前不及壬隔於亥也後過於庚隔於酉也故以庚
配寅則不從以壬配寅則不及以甲丙戊配寅則不
合故庚寅爲行狼壬寅爲了辰甲寅丙寅戊寅爲孤
辰也十月陽建於亥陰建於丑陽前不及癸隔於子
也後過於辛隔於戌也故以辛配丑則不從以癸配
丑則不及以乙丁己配丑則不合故辛丑爲行狼癸
丑爲了辰乙丑己丑丁丑爲孤辰也○天寶歷曰過
爲行狼不及爲了辰不合爲孤辰○曹震圭日月建

者陽也月厭者陰也陽主于陰主支若得陽建前後
近干以配陰建者大會也若以陽建後隔位之干配
陰建者爲行狼不從乃陽氣不從也陽建前隔位之
干配陰建者爲了戾不及是陽氣不及也以陰建左
右之干自配者爲孤辰非正應陰自配也故曰不合
單陰自單陰至純陽四位皆以時無大會故以戊己配月建爲之

堪輿經曰三月卦得夬謂五陽爻對一陰爻故戊配
辰爲單陰也
純陰

欽定協紀辨方書

卷四

義例 單陰純陰

五

堪輿經曰十月卦得坤謂六爻皆陰陽氣已盡故以
己配亥爲純陰也

孤陽

堪輿經曰九月卦得剝謂五陰爻對一陽爻故以戊
配戌爲孤陽也

純陽

堪輿經曰四月卦得乾謂六爻皆陽陰氣已盡故以
己配巳爲純陽也

歲薄

堪輿經曰四月陽建於巳而左行陰建於未而右行陰陽相向欲合於午故以丙午戊午爲四月歲薄也十月陽建於亥而左行陰建於丑而右行陰陽相向欲合於子故以壬子戊子爲十月歲薄也○曹震圭曰薄者迫也陰陽二建交相迫之丙壬則近子午之干戊者謂時無大會皆以戊己配之也

逐陣

堪輿經曰六月陽建於未而左行陰建於巳而右行陰陽相背分別於午故以戊午丙午爲六月逐陣十二月陽建於丑而左行陰建於亥而右行陰陽相背分別於子故以壬子戊子爲十二月逐陣○曹震圭曰陰陽二建此月相分背各隨其陣也

陰陽交破

堪輿經曰四月陽建於巳破於亥陰建於未破於癸癸陽也爲陰所破也亥陰也爲陽所破也是謂陽破陰陰破陽故四月癸亥爲陰陽交破十月陽建於亥破於巳陰建於丑破於丁丁陽也爲陰所破也巳陰也爲陽所破也是爲陽破陰陰破陽故十月丁巳爲

陰陽交破

陰陽擊衝

堪輿經曰五月陰陽俱至午陽建挾丙而擊壬陰建居午而衝子故五月以壬子為陰陽擊衝十一月陰陽俱至子陽建挾壬而擊丙陰建居子而衝午故十一月以丙午為陰陽擊衝

陽破陰衝

堪輿經曰六月陽建於未而破丑陰建於巳而衝癸故六月癸丑為陽破陰衝也十二月陽建於丑而破未陰建於亥而衝丁故十二月丁未為陽破陰衝也

陰道衝陽

堪輿經曰二月陽建於卯而衝酉陰建於酉而衝卯故二月己卯月宿在卯為陰道衝陽八月陽建於酉而衝卯陰建於卯而衝酉故八月以己酉月宿在酉為陰道衝陽

陰位

堪輿經曰三月陽建於辰陰建於申故三月庚辰月宿在辰為陰位九月陽建於戌陰建於寅故九月甲

戌月宿在戌爲陰位

三陰

堪輿經曰正月破在申一陰也厥在戌二陰也辛在其間三陰也故正月得辛酉月宿在酉爲三陰也七月破在寅一陰也厥在辰二陰也乙在其間三陰也故七月得乙卯月宿在卯爲三陰也

陽錯

堪輿經曰以陽建之支配當方之干陰陽自相配合爲日以值所衝之宿爲陽錯如正月陽建在寅近於

欽定協紀辨方書

卷四

義例二陰道衝陽陰位三陰陽錯

五

甲支干相配爲甲寅日寅衝於申故正月甲寅之日月宿在申爲陽錯二月陽建在卯近於乙支干相配爲乙卯日卯衝於酉故二月乙卯之日月宿在酉爲陽錯三月陽建在辰近於甲支干相配得甲辰日辰衝於戌故三月甲辰之日月宿在戌爲陽錯也餘月倣此

陰錯

堪輿經曰以陰建之支配當方之干陰陽自相配合爲日以值所衝之宿爲陰錯如正月陰建於戌近於

庚支干相配爲庚戌日戌衝辰故正月庚戌之日月宿在辰爲陰錯二月陰建於酉近於辛支干相配爲辛酉日酉衝卯故二月辛酉之日月宿在卯爲陰錯三月陰建在申近於庚支干相配爲庚申日申衝寅故三月庚申之日月宿在寅爲陰錯餘倣此唯五月十一月陰陽二建會於子午故無陰錯陽錯

陰陽俱錯

堪輿經曰五月十一月陰陽二氣同建一辰則以所建之支配所近之干共爲一日月宿居月建所衝之辰爲陰陽俱錯如五月陰陽二建合於午近於丙配爲丙午月宿在子爲陰陽俱錯十一月陰陽二建合於子近於壬配爲壬子月宿在午爲陰陽俱錯也

絕陰

堪輿經曰絕陰者謂三月四月陰氣絕也故三月小會所領日爲四月絕陰所領日

絕陽

堪輿經曰絕陽者謂九月十月陽氣絕也故九月小會所領日爲十月絕陽所領日

立成

正二三四五六七八九十十三

行狼

甲申乙未

庚寅辛丑

了戾

丙申丁未

壬寅癸丑

孤辰

戊申己未
庚申辛未
壬申癸未

甲寅乙丑
丙寅丁丑
戊寅己丑

單陰

戊辰

純陰

己亥

孤陽

戊戌

純陽

己巳

欽定協紀辨方書

卷四

義例二絕陰絕陽立成

五

歲薄

丙午
戊午

壬子
戊子

逐陣

丙午
戊午

壬子
戊子

陰陽交破

癸亥

丁巳

陰陽擊衝

壬子

丙午

陽破陰衝

癸丑

丁未

陰位

庚辰

甲戌

陰道衝陽

己卯

己酉

三陰

辛酉

乙卯

陽錯

甲寅乙卯甲辰
丁巳
己巳

丁未
庚申辛酉庚戌
癸亥

癸丑

陰錯

庚戌辛酉庚申

丁未

丁巳

甲辰乙卯甲寅癸丑

癸亥

陰陽俱錯

絕陰

戊辰

丙午

壬子

絕陽

戊戌

曹震圭曰以上諸日雖遇天德月德玉堂生氣黃道吉星值日亦不可用集正所謂陰陽不足之辰是也忌興造嫁娶上官赴任入宅遷移出行交易合藥問病百事不宜

按大小會所領日考原依歷事明原所載堪輿經列

欽定協紀辨方書

卷四

義例二立成

五七

之曹震圭既以大小會為上吉之日比和之辰則其所領必亦以為吉日也今按淮南之言大小會既為凶日則所領日當亦非吉然周禮漢鄭康成注有八會之目而唐賈公彥謂堪輿大會有八小會亦有八然則大小會之來舊矣顧未言大小會所領日今考其旨日辰參差不齊多寡不等無義可尋恐後人之附會歟又以歲位歲對歲前歲後屬之春夏秋冬以季為歲名實紊矣又與淮南之言大相逕庭復分屬天子皇后卿士庶民或用歲位歲對或用歲前歲後

其謬更甚今將所分用日四條刪去仍其春秋冬夏
歲位歲對歲前歲後之目刪者以其不可爲法也存
者不沒其迹使後人可考也其行狠了戾以下二十
神俱從厭建起義合不將日觀之堪輿家擇日之道
備矣堪輿經單陰純陰孤陽純陽以時無大會故以
戊己配月建爲之而謂皆不吉然則堪輿家本意以
大會爲凶日益可知矣特其書無傳吉凶之義不著
歷家不覩淮南等書故曹震圭輩妄意以爲吉耳又
按賈公彥疏周禮引堪輿經黃帝問天老云四月陽
建於巳巳破於亥陰建於未未破於癸是爲陽破陰
陰破陽故四月有癸亥爲陰陽交會十月丁巳爲陰
陽交會言未破癸者卽是未與丑對而近癸也云云
是卽立成中陰陽交破之二日也今日交破古曰交
會然則會之爲義與破同洵非吉也至大會等名義
考原所載甚詳而猶有未盡今按陰陽二建合于子
午分于卯酉大會爲陽會陰由合而至分故自十一
月至二月自五月至八月共八日而三四九十月無
大會小會爲陰會陽由分而至合故自二月至五月

自八月至十一月共八日而六七十二正月無小會
非以其月干支不能相配而無大會其日己有大會
而無小會也陽會于陰者干建支厭甲卽寅乙卽卯
非取近干也陰會于陽者干厭支建厭爲陰陰爲地
故以戊己配月建爲小會非近干己有大會而後取
戊己也又小會皆建日衝皆破日明原以二月己酉
八月己卯爲小會二月己卯八月己酉爲陰道衝陽
當是互誤也三九月陰陽始侵四十月陰陽相逼故
行狠了戾孤辰無虛日單陰純陽孤陽純陰乃從小
會別取一義爲名非以其月無大會也歲薄陰陽將
合而氣己先爭逐陣陰陽始分而難猶未解故以二
建配子午日丙壬卽陽建非取近干也戊卽陰建非
以無大會而取戊己也辰戌爲戊己之分故以陰建
配辰戌日爲陰位非但以辰戌爲陽建也如第取陽
建而已則逐月皆有之何獨三九月耶正七月厭破
將併而氣己先交故正月辛酉七月乙卯皆取厭破
間干支自相配者爲三陰日與歲薄同義明原作正
月辛卯七月乙酉當亦是互誤也陽建疊陽建爲陽

錯陰建疊陰建爲陰錯五月十一月陰陽同建又疊
同建之干爲陰陽俱錯亦非取近千也又自陰位以
下皆取月宿孫思邈房中經載月宿日是否卽此亦
不可考然其日之不吉義例甚明不待值月宿而後
定矣今三陰已爲改正小會改載立成卷中此則仍
舊以備參考若夫絕陰絕陽乃從單陰孤陽更進一
義蓋三月之單陰至四月而絕九月之孤陽至十月
而絕也其所領日亦後人附會故刪

